

04 JUL 1998

AGONG MENGHANTAR PERUTUSAN KEPADA PRESIDEN VENEZUELA

KUALA LUMPUR, 4 Julai (Bernama) -- Yang di-Pertuan Agong Tuanku Ja'afar menghantar perutusan tahniah kepada Presiden Republik Venezuela Dr Rafael Caldera sempena ulang tahun hari kemerdekaan negara itu.

Wisma Putra dalam satu kenyataan hari ini berkata, Perdana Menteri Datuk Seri Dr Mahathir Mohamad juga menyampaikan ucapan tahniah kepada Caldera.

"Saya berharap persahabatan dan kerjasama antara Malaysia dan Venezuela akan diteruskan lagi pada tahun-tahun akan datang demi manfaat bersama," kata Dr Mahathir.

Menteri Luar Datuk Seri Abdullah Ahmad Badawi juga menghantar perutusan tahniah kepada rakan sejawatannya Dr Miguel Angel Burelli Rivas.

-- BERNAMA

NM PR